

新刻羣音類選

新刻羣音類選卷七

虎林

胡氏

文會堂

校選

犀珮記

胡金菴編

西湖結盟

朝元歌 杭州汴州名冠方輿首殘秋晚秋適興偏空
酒且向湖邊杖錢閑走滿目凋楓衰柳一片雲頭悠
悠兩山相對愁歌舞幾時休王孫恣玩遊無邊清秀
分明是老天描就老天描就

駐雲飛 西子湖頭獨步徐徐覓景幽樹老和山瘦水
動連天皺紫只合老杭州可勝消受怎學漁樵滋味

都嚙透好笑功名在夢裡求
好笑功名在雲外求
貓兒墜湖邊相遇頓覺兩情投
八拜盟為金石儔輔
仁扶患要綢繆合追究凡此後須學桃園莫似葵丘
前腔三生有幸傾蓋便相投
社結芝蘭永不休任他
山裂水東流合前

山花子橙黃橘綠秋時候
紅鰕紫蟹新熟茅屋下聊
共勸酬慢教醉倒方休合看西湖懷抱掃愁花邊喧
笑有玉樓夕陽簫鼓歸画舟
斷送人生成也風流前
腔他鄉偶遇陳雷友
世情任彼沉浮行樂處花插滿
頭肯教辜負清秋合前尾聲落霞孤鷺飛相偶
願對

景頻開笑口、嘆迅速時光不我畱、

渡江遇虜

晉天樂、聽金陵、兵戈擁策孤鞭、誰相共、尋犀珮、尋犀
珮、一旦成空、嘆何年再得相逢、合呀、想人生如夢、愁
中和病中、奔走風塵險路、路險誰念飄蓬、北朝天子
飲三盃打辣酥、唱一回羯鼓歌、亂紛紛攻掠如狼虎、
撒銀撒銀、怕誰行攔阻、把都捫排隊伍、好驅馳駱駝、
要搶奪馬騾、哈哈呵、哈哈呵、哈哈呵、笑南朝頻求議和、
頻求議和、五國城增悽楚、五國城增悽楚、晉天樂、骨
如山、城都空、景堪愁、心偏痛、妻和母、妻和母、那卜行

踪好難禁淚洒颿合前北朝天子縱強橫燕與幽掠
城池閣共甌看源源宋室歸吾手武林武林那些兒
帝州羨金邦何馳驟太上皇已休淵聖皇又囚慢慢
遊慢慢遊慢慢遊好策馬吳山前後吳山前後統乾坤
吞宇宙統乾坤吞宇宙晉天樂劍凌凌心何勇髮冲
冲懷常悚長江上長江上寂寞芙蓉不堪觀白浪流
紅合前北朝天子啞啞啞奏笳惡狠狠走馬勢炎炎
兵衆堪欺寡岳飛岳飛便來時怎麼已傾遼還服夏
視宋朝并蛙喜秦檜一家快快拿快快拿快快拿將來
不從便殺不從便殺趁閑時將圍打趁閑時將圍打

普天樂國中哀、鄒魯關、衣微服、如過宋、時不利、時不利、遇困遭窮、是何方戰鼓咚咚、(合前)

貞節自持

錦纏道、奴好是斷絃琴、孤飛鳳鸞、顛沛有誰憐、轉思量、教人針指慵拈、空有燈前夢、望中愁、意邊淚、澆、嘆、何時劍還逢、破鏡重圓、斷送得病懨懨、這舊龐兒到、今樵一半、任荒蕪陶令園、甘忍着清貧、無怨、待相將、心事問蒼天、

紅衲襖、設甚麼國艱難、家亦難、端的是世完全、人不全、不道的一盃黃土、把文章掩、不道的四野狼兵、把

白髮殘、再不能舉案齊眉、在你目前、再不能問安視
膳、在你身畔、好教我腸斷心傷也、血淚臨風、化杜鵑
前腔、你只指望享榮華、過百年、又豈料半江中傾了
舡、那些箇石家金谷能長遠、到做了合浦明珠、不得
完、到不如駕鵲橋、另覓箇牛女緣、到不如倩執柯、還
圖個秦晉歡、當今國亂年荒也、須索要反常經、暫處
權前腔、我甘着守清貧、怎肯將節義捐、你這般沒人
倫話兒、休得對我言、怎忍得為人呵戴二天、怎忍得
為馬呵配二鞍、一任你好情施、我只是鐵石堅、一任
你惡勢加、我不是風雲變、你看投崖墜井何人也、肯

學文君把綠綺彈前腔。雖然是女娘家，要把節義堅。
豈不知男子們也有虧心漢？若不是重尋個吹簫伴，
怎禁得苦依依正少年。你丈夫騎箕尾歸上天，你婆
婆帶血魂赴九泉。從來死者不得重生也，好聽我良
言休性偏。

撲燈蛾不須不須苦相勸。匪石不可轉，遭此變難中。
此命等如毛片也，甘喪青鋒寶劍。要將耿耿姓名傳，
想虞姬忠貞可羨。又何愁香消玉碎，別人間前腔不
從不從真自賤。一心樂清淡，烈女已紛紛。豈少伊登
史傳也？良藥翻遭埋怨，管教終有淚潛潛。想班姬淒

涼可嘆、又何勞、沽名吊譽在人間。

解三醒、看伊家言隨風轉、那裡是婦道當然、分明一路來相勸、真敗俗、肯扶顛、難中霜雪重重見、愁裡風波漸漸添、歸休晚、歸休晚、我這裡清清白白、別處歪纏、前腔、竟公然將人逐趕、切齒恨、狹路相還、伊家若肯從人願、做馮婦、不羞慚、你今朝忍絕親情面、後日難逃羅網問、歸休晚、歸休晚、一任你悲悲切切、腸斷、係猿。

舌戰虜營

高陽臺序、落落文儒、堂堂國士、聖賢經史、曾閱顛沛。

流離忍交少墮名節悲切故鄉回首煙如織嘆邦國
因伊分崩離析到今朝此心何忍翻從仇敵前腔羞
迭官守全無又非言責何須如此迂濶甯事隨時金
邦待為上客休撇人生一命真難得須索要從權圖
活請看他兵威凜凜犯之難釋前腔須識水土深恩
成均厚德報荅正當今日似爾奸回真乃不如夷狄
激烈巖顏之首真堪截論此志斷然難奪恨不得饑
食爾肉渴飲伊血前腔聽說怒髮冲冠仰天長嘯字
因輒敢傷涉忠義紛紛豈少伊為豪傑推出將他速
付三尺鉄誰敢當英雄兀术試看我不時踏破鳳凰

山缺前腔不屈視死如歸捐軀若屣要做果鄉罵賊
任爾狼威龍泉就此截舌瑩紫歲寒然後知松柏羞
殺邨李陵失節早安排陰魂一片暗將仇雪前腔心
熱耿耿男兒錚錚漢子兀自殺他無益暫息雷霆將
他且拘縲紲非逼你事君惟欲成功德看尼父四方環
轍好從容三思就裡直尋枉尺尾聲拘囚一任多磨
滅殘生已拚死鋒鏑落得箇青史上名香人共惜

勢逼改嫁

桂枝香不食不寐如痴如醉我婆婆夢裡相逢我丈
夫地間重會念生成世家生成世家曾蒙母誨肯交

名墮你強為媒、須識冰霜擦、今生斷不隨、**前腔**你一家顛沛、此身狼狽、沒來由、獨守空房、不肯把良緣圖、再看買臣細君、買臣細君、生前且背、死而何害、我強為媒、你便是鉄石堅心志、應知事要諧、**前腔**狂言堪怪、愁腸轉倍、我是箇白玉無瑕、怎肯使青蠅相累、咲尋常女流、尋常女流、重諧鳳配、再尋鶯對、你強為媒、要見無他故、無非為愛財、**前腔**十分豪貴、萬般丰采、要與你同上藍橋、已曾受文犀作配、若不從嫁他、不從嫁他、逆尊有罪、交人難耐、我強為媒、命似風中燭、相拚在此哉、**玉胞肚**老年無賴、慣生亮、將人逼、權一

味的恣意貪婪把經常視為土灰好將聘物早持歸
自有溫郎玉鏡臺前腔不知進退嘆伊家空守孤幃
那傳郎着意相求嫁他時無限施為符生已歿怎齊
眉好把文犀佩入懷香柳娘見聘物暗悲見聘物暗
悲是奴犀佩當年贈與郎游外向何方得來向何方
得來教我好疑猜人亡物猶在嘆相留玉章嘆相留
玉章兵火已沉埋無由重佩戴前腔向豪門得來向
豪門得來暫開愁黛要知己各姻緣在試從權嫁之
試從權嫁之若問這根芽定然見明白信文犀是媒
信文犀是媒羞殺我和伊家空勞頻勸解前腔我心中

自揣我心中自揣、好難佈擺、其間就理真堪怪、幸皇
天、皇土、幸皇天、皇土、昭証我靈臺、終無詐與愧、我憑
伊處裁、我憑伊處裁、湮白豈能縑、磨堅磷無礙、前腔
喜伊家性回、喜伊家性回、橫財誰賽、將伊如把觀音
拜、好妝飾粉腮、好妝飾粉腮、指日便和諧、百年情似
海、任旁人亂猜、任旁人亂猜、非是情乖、勢干無奈、尾
聲羞慚、惟恐難分解、試看我到頭不改、一任他橫逆
相加、志怎灰、

俠君贈妹

画眉序情重贈紅妝、寄食翻遭出竒望、信三生有幸、

千里成雙陽臺夢不數襄王画眉情獨輸張殿令人生知已能多少須教隨地家鄉前腔一旦效鸞凰願得百年永隨唱看雍雍喜氣盈溢華堂藍橋路自得裴航馬廐中誰知杜廣合前滴溜子猛然見猛然見身垂玉章禁不住禁不住淚珠滿眶怪他有些相像曾將贈細君今知何往不道途中犀珮又亡大和佛偶爾當年過建康兵火總堪傷其間拾得佩繫與英娘不識是君章管教你破鏡重圓劒再雙管教你破鏡重圓劒再雙雙聲子開懷抱開懷抱頻對酒同歡暢人生事人生事皆夙定休惆悵劒俠女劍俠女文

藝郎、文藝郎、正空家、空室、琴瑟洋洋、尾聲、遙前既醉、
難勝量、花燭翩翩歸洞房、得人見、物喜雙雙、

剪髮自誓

繡帶兒、休相比、你只曉得蓮花根、染泥清香、自有人
知、肯從他、蝶戀蜂棲、怎由伊、水逐魚戲、就裡臨風情
願、摧嫩枝、枉勞力、要學做、瀟溪周子、空春令、鶯求友、
燕逐飛、論人生、豈可孤而不如、及時相偶、看光陰去
也、難畱住、想天台、曾宿劉郎、看巫峽、也逢神女、休癡
成就、姻緣自然和美、降黃龍、悲啼、當不得、強逼胡為、
輕薄顛狂、一團村氣、好個風流標致、好箇風流標致、

料想文章應沒半句休題美衣甘食守孤貞斷然不
來羨你這其間真心不昧自有天知醉太歪須知我
千方百計向驪龍潭下方得其珠指望便成連理誰
知道卦兒變矣蹉蹉總君平難卜你情兒都是伊出
言不利我看他容貌恨不得即時吞燕歿也真宜浣
溪沙他意兒堅勢兒急話兒催怎肯容之這場污辱
不堪支捐身一死應難滯跳入江心潔自持龍君為
我傷悲滴溜子真悔氣喜事翻成禍事為何的夫主
視為仇敵你把我恩情竟付東流好咲伊真沒福隨
豪貴你道我多村我還知趣鮑老催再來纏取殘生

已是拚尋歿、冰清玉潔非他比、剪綠雲、愿做尼、終天
誓、依栖權且存人世、可憐犀佩無憑據、一任你、加感
勢、**（貓兒墜）**娘行不達、何事苦痴迷、流水無情花自隨、
空教滿載月明歸、尋思、有的是金釵滿眼、豈交連累、
（尾聲）從容不作偷生計、誰要你相怜、村樣施、再醮從
來名行戲、

金山題詩

（琥珀貓兒墜）中冷名望、天下竟無雙、我欲投之望錄藏、試
看青白兩相忘、何妨到此際、從容就歿、泉下心涼、
（駐馬聽）仔細端詳、神鬼分明、一顯揚、教我不須尋歿、

權往江西自得成雙其間就裡實難量含情自有天
從降節義昭彰縱無人識我於心無恙

猶兒墜新詩題罷自覺斷柔腸入地還從折桂郎忍
教今又配鸞凰茫茫一任他晚煙彭澤夜雨瀟湘
駐馬聽對景堪傷高挂雲帆過豫章詩句有誰相憫
只我情知咲彼徒忙何年能勾轉維揚金山重拜靈
神像枉自燒香若存陰騭于身無恙

偕妾登途

新水令一鞭早已離萊州一鞭早已離萊州氣昂昂
直冲牛斗怕甚麼塵湍貂裘管不得雲迷遠岫猛地

回頭馬蹄兒把東山踏透步步嬌寂歷長途頻奔走
無奈分離久田園計就荒骨肉知完否思量自覺難
消受淚眼不堪禁紛紛的濕了青衫袖折桂今又何
須苦學兒儔四海為家萬里封侯試看我寶劒橫秋
我何曾弄些針綉到如今又逐遨遊却方表女俠之
流馬上凝眸這是誰個江山亂叢叢白骨成丘江兒水
縱使離情切何當歸興稠幾年方得重回首所經大
半皆非舊自嘆功名難就甚日飛騰贊理宋家宇宙
鴈兒落我也曾顛沛中救善柔我也曾荆棘裡除仇
寇我也曾把富貴視做水中鷗我也曾將貧賤盟為

辛未上元
二
心上友我也曾怒冲冠刺七首我也曾身滿膽上龍
樓我也曾約磨勒共向公侯宅我也曾伴虬髯同到海
中遊休論英雄孰先後俺待要清也麼幽怪無端義
烈難丟（僥僥令）雲樹茫然斷送愁今古事慢搜求哽
咽笳聲何地奏自覺旅魂驚如中酒旅魂驚如中酒
淚江南呀好咲你不識時務呵却也來犯純鉤你看
淒淒野草血成流天陰惟聽鬼啾啾非是我好尋爭
鬪誰教你妄謀待教俺怎休園林好過了些危山險
丘受了些明勞隱憂又是何方強寇金鼓振出貔貅
沽美酒嘆分崩似缺甌念流散轉填溝忍見中華作

虜囚知甚日、樂歌謳知甚日、消兵甯室教人幾番求
手、好教人一場咲口、我呵、也只為鸞儔鳳儔情投意
投呀、怎憚得十分馳驟、尾聲行行早見隋堤柳、虧殺
你馬前相友、如此恩功未易酬、

金山見詩

念奴嬌序掃清江漢、向水晶宮裡、開懷試飲瓊漿、咲
殺六朝爭戰後、空畱雲水茫茫、想像駕海金梁、中流
砥柱、乾坤氣脉相依仗、合身疑在蓬萊真境、閬苑仙
鄉、前腔豪放醉眸一望、祇見着萬里風濤、千年關障、
歆倩鮫人邀取、那四海龍君同賞、歡暢片玉平浮、塵

樓高結世間、應覓恐無雙。合前前腔來往、無數舟航。
許多離恨、也應名利故、匆忙嘆誰個、能與鷗鷺相忘。
景狀、画棟含雲、朱簾捲雨、閑來對此、足徜徉、合前前
腔。惆悵國破家亡、人非物是、何年依舊見、安康。思君
處、魂已飛到錢唐。辭觴且策杖、山巔濯纓、纓流際、明朝
又欲涉長江。合前古輪臺、氣昂昂、虹霓燦爛吐光芒。
蛟龍潛伏、收波浪、閑看經歲、過幾處、迴廊。又懶登臨、
塔上、猛地風颺、一聲磬响、飄飄遺世、恍蘇郎、愁懷滌
蕩、高處看、空濶無疆。南邊雲樹、北邊煙火、誰描圖樣、瞬
息又斜陽。漁燈亮、茫然吳楚、怎端詳、前腔何方短笛。

信口無脰被吹動耐冷嫦娥出雲窺望頓爾令人詩
思十分飄蕩下却畱雲再來方丈羨僧人清雅一爐
香何勝渴想汲中冷煮茗同嗜清風生翼紅塵隔眼
須識人間天上今夕樂何長還相傷儘教遊遍水中
央（尾聲）江天閣再舉觴公暇私遊無所快只怕潘安
鬢點霜

香柳娘見詩句暗傷見詩句暗傷那人何往難言破
鏡渾無恙你不須斷腸你不須斷腸他節義已昭彰
重逢如反掌自拆了鳳凰自拆了鳳凰魚鴈兩茫茫
夢魂每隨唱一撮棹催橈我和伊離鎮江還尋訪

伊同我到豫章、殘生喪、不能見守貞娘、想着其間故、
斷生從折桂郎、堪惆悵、沒踪跡、是萱堂、好教我無計費、
思量、尾聲、青衫染淚、都成絳管、教你都驅愁、况試看、
節義忠貞、四海揚、

江西會母

園林好、拜慈母、鑒兒下情、拜孀母、謝伊大恩、顛沛肯、
相憐憫、合今始信、有雷陳、今始信、有雷陳、前腔、嘆、
昔自伊遠行、嘆兵火、驟然滿城、挽首即忙、逃遁、合又、
豈料兩離分、又豈料兩離分、江兒水、自向臨安去、功、
名未獲成、湖邊相遇、情相脗、因聞金虜、邊烽緊、束裝、

便爾歸鄉井、不道人亡家損。合仔細思量、斷送一生
愁恨。前腔亦向臨安去、怜伊不易尋。塗中相遇、蒙相
認、因畱居住、聊延命。兩番往返、俱無信、只得權隨之
任。合前五供養、渡江時分、深念時乖、却又遭兵、萊州
拘繫久、不屈守忠貞。幸得潛離陷穽、遇俠君、把英娘
相贈。玉章雖會合、犀佩柰沉淪。合舊事淒涼、教人愁
聽。前腔毫無踪影、流落長途、難知死生、重逢知甚日。
白髮已星星、若沒故人援拯、久矣作溝渠、齏粉。他鄉
千里夢、故國月三更。合前玉交枝、因懷歸興、我三人
同之廣陵、曾從老僕、忙尋問道、媳嬾先到家門、造言

逼嫁心不仁、設謀圖利情偏忍、合說將來難禁淚零、
說將來難禁怒生、前腔常甘自盡、勢難容已、遂再嫁、
歎差江上、監戎政、見金山詩句、畱名想他節義、怎便、
傾怕吾官守、猶難認、合前、川撥棹重思省、有何謀、絃、
再整望伊家、為我全成望、伊家為我全成、待啣環、前、
伊厚恩、合試相看、月再明、試相看、花再春、前腔、好將、
詩句着處吟、再把玉章作貨、因必然間有主、當承必、
然間有主、當承、又何須頻勞嘆聲、合前、尾聲、一家重、
聚、真堪慶、離合由來天定、洗耳門前聽好音、

尼菴貨佩

一江風一聲鐘、沐手將經誦、禮佛香風送、寂清閑不
染紅塵、世事真如夢、應知色是空、應知色是空、嫦娥
在月宮、甘心耐冷、只有雲相共、

金落索、嗟今夕、鴈鴻憶昔分鸞鳳、不是塵心到此重
萌動、良人名姓同、起疑猜、待要親觀勢、怎容一枚犀
珮曾相奉、不料其章失道中、我心偏痛、何時人物兩
重逢、敢勞你閑步西東、覓箇行踪、索要多珍重、

菴中小會

小桃紅、自伊別後、兵火騷然與姑同、逃竄也、不料中
途裡、散失更堪怜、慌急處、又遺捐、還幸得遇老尼、同

渡江歸故苑也。三徑荒蕪不似前。廿把針指頻拈聊
度看亂世凶年。前腔與伊別後。便到臨安。是我時乖
蹇也。三策非和議。落第有誰怜。結盟義在湖邊。驟聞
得邊烽緊。虜長驅家遭變也。即束歸裝難自緩。又早
風景凋殘。奔走處珮失衣間。下山虎方纔題起。恨忿
冲天。祇為貪財利。頓爾設謀造言。道姑氏身喪刀兵。
伊又魂歸九泉。逼我重將絲綺彈。我甘喪青鋒劍。要
把綱常節義全。他又苦苦還相勸。強納聘錢。見物思
人難上難。前腔將歸舊宅。忽遇腥膻。擄向萊州去。要
我屈節是延多虧。殺夢裡神氏救我。潛離難間。寄食

韓生不自慙、他見我多傷感、却與英娘偶結緣、非是
男兒漢、薄倖恁般、見物思人難上難、醉歸遲訪根由
權逐變、中心自有天知鑒、剪髮投江不亂、金山寫怨
尊神諭、故逐雲帆、沒奈何將我送入尼菴、又豈料破
鏡重圓、和你今生還見、前腔只道你捱不過齡妍歲
坐因此上、便配了孤鸞斷絃、自那日逐寇上金山、方
知道你的心兒、金專石堅、咲殺那風顛浪掀、端的是
珠全璧完、從此後、好把愁顏、都做歡容對看、尾聲萱
親久待歸休晚、換却尼家敕辦、一似瑤池出鳳鸞、
憶多嬌辭佛前、過竹邊、冉冉衣香尚惹煙、從此分飛

債已還、此去綿綿、此去綿綿、往事如同夢間、

繡襦記

催子赴試

（欄花泣）論古之學者、所學甚精、詳知本末、重綱常、彬
彬文質、好行藏、看先行孝弟、餘力學文章、晨昏激昂、
務乾乾、惕勵心、收放效先賢、入室升堂、淑諸人鑒壁、
懸梁、（前腔）嘗聞得從來白屋出朝郎、榮妻顯祖名揚、
汝當勵志繼書香、早把皇猷黼黻、步武位岩廊、嘉言
敢忘、喜青雲有路終須上、鳳凰雛、準擬朝陽、鳥鵲情
恐難終養、漁家傲、恁收拾琴劍書箱、把南金滿載行

裝頭只頭車馬無勞壯行色滿懷春盎故鄉領命還
前往恁敢憚黃塵白浪看槐黃舉子正忙管此去功名
唾掌前腔我孩兒學已成章不家食觀國之光慮只
慮孱弱身軀怎跋涉水遠山長且斟量結伴資諸講
抱經綸儉讓溫良他慣觀場屋知趨向料得意首登
龍虎榜尾聲膺鄉荐赴選場倘得名標金榜闕闕門
楣倍有光

青樓娛景

香羅帶徐開針線箱凝神繡床羅綴花還自想牡丹
魏紫配姚黃也鸞和鳳並翱翔雲霞燦燦奪目光

生香也。細嚼殘紅吐碧。窻前腔。身居錦繡鄉。衣裳
滿。廂綺羅不須勤紡繡。女工針指免思量。加五綵。煥
文章。我把薰籠再薰蘭麝香。還勸娘行也。剪短。卽當
舞袖長。

惜奴嬌。品壓羣芳。喜名傳。西城色。侵羅幌。微風蕩。斜
倚玉欄杆。上相像。沉醉西施濃抹。胭脂晚粧。停當。合
非獎。總斗大牡丹花。怎比阿奴佳况。前腔。端詳。艷質無
雙。看妖妍。看雨滿。枝開放。肌膚絳。翠袖捲紗。明。朗。相
彷彿。酒華清出浴。溫泉太真模樣。合前。黑麻序。堪傷
有色無香。倘梅花相對。兩情悽愴。嘆失身華屋。錦繡

無障惆悵、托根桃李場、牽情蜂蝶忙、合譟敷揚、當筵
一曲清歌、何必少陵詩興、前腔搖颺、別樣風光、愛垂
絲、妖軟舞腰宮樣、好輕輕擎起、翠盤仙掌、堪傷清溪
照、艷粧紅錦、襯紫裳、合前錦衣香、画檻傍、瑤階上、花
萼芳、精神爽、臉映丹霞、暈酣仙釀、東風裊裊、泛崇光、
青皇作主、莫遣飄揚、怕無情風雨、褪紅粧、低垂粉頰、
傾國傾城貌、一朝摧喪、廊空响屐、馬羈堪笑、漿水令
夜深沉漏、聲寂响想、花神春夢、悠揚、高烧銀燭、照紅
妝、空濛香霧、月轉迴廊、紅英燦、爭趨向、半開時節、宜
賞、行樂地、行樂地、易生草莽、休辜負、休辜負、好韶

光尾聲烘春麗色情欲暢水次不堪凝望一樹梨花
也自芳

高堂別親

摧柏辭膝下含情痛悲我出門何勝慘懷嘆咫尺天
涯咫尺天涯定省晨昏從此睽違月冷空庭夢斷慈
幃合願此去桂折高枝登月窟上天梯箭腔丈夫學
飛黃遠馳肯待兔終朝守株不見男子生時男子生
時張矢懸門四遠揚輝莫效兒曹戀別牽衣合前前
腔朝出去望兒早歸暮不歸教娘倚閭何忍遠赴京
師遠赴京師兩字功名一旦分離暫脫斑蘭衣錦榮

歸合前一撮棹雲霄路千里奮龍駒風雷迅春江起
蛟螭承嚴訓當佩服謹遵依施經濟豪氣吐虹霓黃
榜標名字錦衣歸故里雙親喜端的是男兒

旅途寄况

甘州歌隔林相應聽嚶嚶黃鳥尚爾呼朋同袍志合
又何必骨肉相親雖然四海皆兄弟未必知心能幾
人芝蘭契金石盟客窓樽酒共論文東風軟綺陌春馬
蹄踏碎落花塵箭腔香車逐後塵羞我談彌六合心
醉六經蠅隨驥尾今日裡願隨鞭笞只品草莽時得
雨不道山花冷笑人風光好柳色新短亭過了又長

亭沽美酒望遠行、收童搖指杏花村、尾聲過前村、長
安近、龍盤虎踞帝王城、十里樓臺繞慶雲、

托興遺鞭

清江引、釵橫茉莉香飄麝、轉雕欄閑戲耍、滿院海棠
花、一旦都吹謝、燕兒胡語把東風罵、

駐雲飛、環珮鏗鏘倦舉金蓮曲、檻傍花影搖屏障、柳
色侵羅幌、暖日散晴光、遊絲輕颺、牽引殘紅、眷戀
多情、况相逐東風上下狂、相逐東風上下狂、前腔、緩
鞦絲韁、為惜殘紅滿地香、忽見天仙降、頓使神魂蕩、
轉盼思悠揚、秋波明朗、看他體態幽閑、妝束皆宮

樣、賴策金鞭入教坊、請接絲鞭入洞房、駐馬聽、適見
嬌娘、佇立朱門笑語香、貌果沉魚落鴈、閉月羞花、淡
抹濃妝、這是翔鸞舞鳳、碧梧坊、馳車驟馬、鳴珂巷、馬
騁康莊、一鞭信着、霜蹄前往、前腔、天遣裴航、得遇雲
英、窈窕娘、今日先登天府、且上藍橋、醉飲瓊漿、繁絃
翠管、錦雲鄉、溫香軟玉、流蘓帳、倒索傾囊、春宵一刻
肯惜黃金千兩、

挾金恣欲

鎖南枝、鶯花市、燕子樓、人生到此百不憂、何處繫驂
騑、章臺有楊柳、見侍姬、舉止羞、倚朱門、若相候、前腔

年將邁髮已秋下堦出迎禮不周里巷隘梁車丰神
耀瓊玖延賓館暫款畱先看茶後沽酒孝順歌掀羅
幙蕩玉鈎弓鞋裙襯雙鳳頭我歆見又含羞進前還
退後昨來邂逅柳下停驂暗通情實歛衽再拜深深
恕妾失迎候重凝睇定兩眸認仙郎是墜鞭否前腔
滎陽郡是故丘鄭元和忝為儒者流老父治常州高
堂有慈母非干遠遊應舉求名試期未偶欲借別院
收書未審相容否金百兩請暫收若成名再加厚

錦堂月金鼎香浮瓊卮酒艷西堂且開情尊花底相
逢姻緣幸然輻輳聽鶯簫夜月秦樓會神女朝雲出

岫合風流藪。趁此年少良辰。傷花隨柳。前腔聽剖。拙
婦如鳩。高巢仰鵲。懸思牖戶。綢繆反笑。鴻儒俯尋。巢
門盡實。傷紗窻。聽講詩書。掃塵榻。強操箕箒。合前。醉
翁子。知否。樵樓上。初傳玉漏。你行館何方。歸歟。休後
俛首。若路遠無親。總盡棟雲連。何處投重。進酒飲到
月轉花稍盡。醉方休。前腔。他來意。欲求締鸞交。鳳友
托。僦屋而居。冀望一宵相畱。情投我只索相從。任意
追隨。秉燭遊。僦僦。合。堦前頻頻首。賓館謝相畱。願作
廝養家。僮從呼喚。携枕抱衾。稠敢自由。前腔。乘龍忻
配偶。騎鶴上揚州。管取日日笑。時花近眼。舞罷錦纏。

羣芳類選卷二 六
頭興未休、尾聲玉人髮、髀金釵、溜整頭、纖纖呈素手、
沉醉東風、汗湧遊、

道德關門

畫眉序、修眉遠山碧、脂粉翻嫌污、顏色看嬌然、一笑
果然傾國、秋波瑩、眼角畱情、金蓮小、香塵無迹、含綺
羅叢裡、春雲煖、塵思坐來消釋、前腔、衣冠好、妝飾談
吐珠璣、瀉文墨、喜風流、蘊藉有誰能匹、謾追隨、鳳枕恩
情、且莫問、鵬程消息、合前、鮑老催酒、傾玉液、勸君飲
盡無消滴、當筵豪放、無憂戚、聽鳳笛、吹鼉鼓、獻鸞笙
吸、揮金買笑、何足惜、良辰美景、豈易逢、賞心樂事、難

兼得、滴滴金流光瞬息駒過隙、莫把青春枉拋擲、
心日夜看財虜、目生眵、頭早白、金堆玉積、若教花柳
皆踈放、總活到百年、有何所益、
（滴滴子）歌節奏、歌節
奏、五音六律、聲宛轉、聲宛轉、停腔待拍、白雪陽春無
敵、行雲响唱采麗詞入格、
憂玉鏗金、情融意遠、（雙聲）
子、龍涎炙、龍涎炙、黃金鼎、香堪挹、
麟舖簾、麟舖簾、青
玉案、盤何密、謾歌舞、謾歌舞、排場寂、
看鈿蟬
金鴈錦茵狼藉、
（尾聲）笙簧沸、耳花間集、
玉閣不聞蓮
漏滴、夜宴又開筵席、

造謀陰險

憶多嬌他初到時甜話兒嬌聲艷語承奉之席上人
前偷眼觀錦帳深閨錦帳深閨睡到日上三竿纔起
前腔我就假意兒長嘆吁喬妝哭嫁并走成剪髮燒
香設盟誓還有箇法兒還有箇法兒頓放搖棒做鬼
關黑麻那幫襯知音虛花子弟打卯燒香來或暫時
吾門戶未許窺他是公子王孫萬金有餘從他性兒
如狼似虎罷入我門來入我門來綿羊軟的前腔總
萬計千謀無非為利論色不迷人而自迷雖一夜
做夫妻亦是前緣少他債兒只怕色衰愛弛韶華能
幾時秋月春花暮雲朝雨

駿騎調羹

二郎神（爐薰裊起南軒把絲桐緩操彈一曲彩鳳求凰聲合調聽噤噤不似離鸞別鶴無聊我喜遇知音情便好嘆猗蘭不嫌伴草兩情高願鼓瑟宮商相應和調）
（集賢賓）清商宛轉音律悄聽巫山夜雨蕭蕭暗約高堂魂夢杳想疲奔文君窈窕相如智巧把綠綺輕挑低調心太擾總不入歌樓歡笑（貓兒墜）願為侍妾箕箒日親操玉樹蒹葭雖有誚兔絲免得附蓬蒿偕老願恩義地久天長海濶山高（前腔）同心比翼擬結

原贊交桂竹相迺不悉執手山在日去身今正居
聲書類選卷七 八〇 三二

聲這五花馬身價高湯煮板腸投所好又厭羶羶不
吃了

蝎蛇熾惡

黃鶯兒你定省在晨昏却睽違秋復春為人子者心
何忍戀着青樓麗人忘却白髮老親但知務末渾忘
本合少年人戒之在色是孔子語諄諄前腔詞色大
驕人使區區疑慮生奈功名未就無歸興欲望太行
白雲難捨巫峽彩雲恩情兩地縈方寸合前簇御林
情含笑眉展顰恐仙郎感慨興丈夫四海家無定休
要懷故土思鄉井他是老年人言顛語倒不可認為

聞言心旆搖、這根苗、緣何你却都知道、聽哀告、乞恕、
饒休煩惱、當初鬻我來投靠、如今願得同回棹、合前、

繡衾重會

三犯傷妝臺、抱病掩妝奩、粉容消瘦愁、黛鎖眉尖、郎別
去、芳容減、不見返、悶懷添、只恐朱衣頭不點、又怕魚
龍甲未完、葉砧何在、山上有山、歸期破鏡看新蟾、不
是路、騶從駢闐、塞巷攔街、衆擁觀、心驚顫、原何鼓吹
鬧喧喧、到妝前、今朝果見錦衣旋、不負卿卿苦勉旃、
蒙相勸、果然得、中青錢、選使我不勝忻忭、不勝忻忭、
降黃龍、我旦夕憂煩、怕你偃蹇功名、不成空返、喜登

甲第不枉奴剔目苦言相勸我煞頭角崢嶸始遂得
心頭之願你如今上援鼎族早成姻眷前腔休胡言
締良緣多賴卿卿救吾殘喘再生恩人願醉以霞帔
鳳冠榮顯同船省親回去早把同心帶綰那玉堂人
曾蒙招贅怎肯再三辭免薄媚來君今往劔南君今
往劔南賤妾難畱戀從此別離再不求相見君今貴
顯料無所願今永別怕牽腸收淚眼前腔微軀賴汝
完微軀賴汝完恩若天高遠生歿相同榮辱無殊間
向時剔目賴卿激勉請收拾針線箱拜書劔

暫宿郵亭

入賺汗馬奔馳滿目炎天路欲迷他新遷寓尚書府
過戟門西為何的言辭急遽無頭緒只為娘行一病
危將垂歿他衣衾棺槨何曾備早為之計早為之計
前腔他病篤求醫恐船到江心補漏遲同回去還將
藥石少扶持吾家裡當時有馬今無矣你且先行我
慢些你權于此我到家即遣雕鞍至萬勿遲滯萬勿
遲滯掉角兒嘆浮生沒根沒蒂病衰年難醫難治天
也有不測風雲人豈無不虞災異姥將亡無人管最
孤恁吾須備齊祭之儀天將暮矣為何馬猶不至心
焦如火怎辭勞瘁前腔他那識虛情假意忙收拾遷

羣音類選卷七
居行李黃金殿深鎖鴛鴦白玉樓空餘燕子楚陽臺
雲雨散夢魂迷巫山女何處尋之真誠君子豈知奸
宄兩頭無路中吾深計尾聲金蟬脫殼潛移徙蕉鹿
夢使他無據那裡是長久夫妻

萍航別駕

紅袖襖他本是抱經綸一箇好秀才偶然墮風塵
却遭着你毒陷害辜負了生前結下同心帶空落得
夢中飲合卺杯忍教他哭窮途消壯懷多管是滅風
光誰揪採一似芙蓉生在秋江上也不向東風怨未
開前腔假饒有七步才學問該怎識破八陣圖形勢

擺我未見好德人如好色自取失身家還失財舊時
的鳴珂巷室走來新時的宣陽院徒自端端的是踏
破鉄鞋無覓處也十謁朱門九不開前腔寬綽綽把
衣衫別樣裁高聳聳雲鬟特地改風月門牢砌了迷
魂寨粉骷髏照出了孽鏡臺收錦茵楊柳腰舞不來
歛歌喉飛花扇從今賣始信道明年此地知誰在也
塵世難逢笑口開前腔不是設機關名行乖賺得他
走路岐涕泣洒似娘行不肯招乘龍客吹簫人懶再
登引鳳臺長相思愁悶懷短相思眉鎖黛真箇是花
影重重疊疊上瑤臺也幾度呼童掃不開

進退無門

晉天樂想玉人飄泊歸何處沒有半句叮嚀語約先
行吾當隨至誰知半路拋離嘆鳥鵲無棲止却教我
踏枝不著空回去燈半滅他也羞照愁眉漏已斷猶
垂雙淚我早知如此步步追隨

黃鶯兒聽鷄亂啼鴉亂飛野寺晨鍾渡水遲月小山
高星漸稀穿東過西魂消思迷為何也把門兒閉合
好繞蹊美人庭院翻做武陵溪前腔無所依何所歸
計中煙花追悔遲身世伶仃怯路歧鴛鴦伴離鱗鴻
信稀好似捕風捉影無憑據合前闌黑昧

賦

歸歟行囊罄澁要在此依栖又無舊識無伎倆養身
策休擬登科觀光上國（合）相逢可惜風波遭陷溺進
退無門進退無門仰天嘆息（前腔）你帶月行來滿身
露濕是白苧新裁未沾汗液情願奉恩主少遮飾尚
有幾貫青蚨畧支旦夕（合前）

春閨勵節

泣顏回車馬寂無聲嘆崔羅可布衡門良田千頃不
如日進分文思之可嘆你鎮朝昏掩淚也慵臨鏡你
青春能幾何哉比舊時越減精神（前腔）堅貞立志脫
風塵誰道章臺楊柳翻成嶮谷松筠愁眉鎖黛遠山

畫筆無憑愛黃花滿庭傲霜枝禁得那西風緊又忘
情秋月春花早灰心暮雨朝雲撲燈蛾賤人不思忖
賤人不思忖良家且淫奔你既落煙花債休思百世
流芳也那書生薄倖又不曾花燭結婚姻却為何恁
般執性打教伊務必棄舊去迎新前腔青樓懶再登
青樓懶再登紅閨守貞靜鎮把重門掩自許塵心洗
淨也任芙蓉帳冷不慕玉堂金谷霽春溫去舊染脩
身謹行喜瑩然白壁何愧青蠅尾聲賤人堅執不從
順對我公然強硬重整新妝去倚門

恩乖天性

新水念杏園東去曲江西杏園東去曲江西約同僚
一船回去嘆故人青眼稀覓舊題蒼苔翳鳳闕崔嵬
鳳闕崔嵬仰瞻在白雲深處步步嬌只見天門街上
人如蟻不免偷忙覩見歌郎貌甚奇行藏聲响渾無
異我也欲問因依猶恐他不是折桂令那歌郎雖是
清奇豈是吾家千里之駒此話休題此話休題金多
被盜父喪溝渠他身不到帝闕金闕名已登鬼錄陰
司你與我訪問端的免得多疑那年少伊誰與吾兒
一樣丰姿園林好白馬篇唱得不低二萬錢使我頓
輸可怪是來歷不明之子劫扭去告官司劫扭去告

官司、鴈兒落我聞說你為金多成盜賊誰想你流落
在卑污地做歌郎歌薤露詞做歌郎歌薤露詞那裡
是念之乎者也兒江兒水被盜劫縋裝去為財踈朋
友離孤身淪沒在泥途裡更遭疾病多狼狽幸逢肆
長加恩惠館穀虧他周濟為感恩私權做歌郎報取
得勝令我指望你步青雲登高第却原何裹烏巾投
凶肆廣寒宮懶出手去攀仙桂天門街強出頭來尋
蒿里你也會讀詩書怎不知廉耻積德門閭到養這
等習下流的不肖子到養這等習下流的不肖子玉
容枝因遭顛沛故從權徑竇奔馳不踰閑大德兒無愧

執昇耶表微軀虎狼尚然不食兒可憐骨肉常饒恕
望爹爹深垂憫慈論至親莫如父子沽美酒你要到
高堂慰別離休指望帶伊回牛馬襟裾却去除打教
你精皮肉受鞭笞打教你血流標杆三魂喪纔中吾
意七魄散就棄溝渠你歌薤露送人之死你今死誰
歌蒿里你今死吾心深喜呀方出俺心頭一點惡氣
尾聲千金軀棄荒蕪地你看蠅蚋紛紛來至隨你鉄
打心腸也痛悲

得情添恨

漁家傲犯莫不是驢尾蠅隨歸去來莫不是又追歡

上花柳街莫非成了功名誇拾芥莫非在窮途做乞
丐直言怎生使我猜我欲贈雙頭金鳳釵只落得界
破殘粧淚滿腮鄭子一寒如此哉語言頹瘦骨駭風
雪有情歸瓦甃雨雲無夢到陽臺

梧桐樹只道你逢舊識只道你歸鄉國只道你攻書
史只道你陳廷策今日忽聞忽聞這惡消息一似五
彩文鴛歛羽栖荆棘使我兩淚交頤掩面空悲泣青
樓顰笑從此都收拾東甌念他流污下你休怨憶空
把貞堅人不識眼前夫在妻淫奔情實尚窺覓磨而
不磷涅而不淄潔白似昆璧尾聲玉卽萍梗飄踪跡

空想丰神何處覓從此帳冷芙蓉秋月白

山花子廣寒仙桂香無竇姮娥親手培栽被區區和
月掇來人間傳得根芽合看繁英金粟亂開美人玉
纖輕折來一枝斜壓白玉釵香浸金盃勸飲開懷前
腔枝柯碧玉多消洒清高不染塵埃散天香薰透骨
骸龍涎奚足稱哉合前紅繡鞋一輪月滿瑤臺瑤臺
涼颼輕捲陰霾陰霾如寶鑑把塵襟合輝玉臂耀金
釵移桂影轉瑤堦前腔羽衣一曲新裁新裁宮商高
下和諧和諧珠錯落顯奇才合前尾聲南飛孤鵲無
依賴觸景教人感慨怎能勾月明千里故人來

安邑遭逢

一江風雪兒飄四野彤雲罩萬逕人踪杳想多才流
落何方應做窮途餓草恩情一旦拋恩情一旦拋鱗
鴻萬里遙細思量似把心腸絞

沽美酒驚毛雪滿空飛破草薦蓋着羊皮殘羹剩飯
口中吃李亞仙你怎知破帽子在頭上搭破衣衫露
出肩甲腰間繫一條爛絲麻脚下穿一雙歪鳥辣上
長街又丟抹這便是鄭元和家業使盡待如何勸郎
君休似我前腔小乞兒捧定着一箇瓢自不曾有軟
飽肚皮中涯饑餓頭頂上瑞雪飄最苦冷難熬正遇

着嚴冬嚴冬天道凜凜的似水澆凍得咱來曲折可
腰呀有那箇官人每穿破了的綿襖戴破了的舊帽錢
燙剩飯捨些與小吃兒嚼因此打上一回哩哩蓮花
哩哩蓮花落也

香柳娘看他似饑鶯叫號他似饑鶯叫號恁般苦惱
我聞言不覺心驚跳看肌肉盡消看肌肉盡消病骨
冷難熬遮身無破襖解繡襦裹包解繡襦裹包且扶
入西廂煖閣免放凍倒前腔聽西廂煖閣聽西廂煖
閣為何鬧炒這冤家誰引他來到快推出市曹快推
出市曹聞他遍體臭羶羶蓬頭一餓草想死期將到

想歟期將到若有人知官司怎了前腔他是儒林中俊
髦儒林中俊髦官居當道倘一朝事露娘圈套這罪
名怎逃這罪名怎逃尋出這根苗賺錢樹皆倒願救
他潦倒願救他潦倒從姐姐所言不須推調前腔想
立志已牢想立志已牢我憑伊計較把黃金囊索須
傾倒觀他人形貌觀他人形貌似蛇虺不成蛟龍門
怎高跳你只箇旌表你只箇旌表要做夫人位高五
花官誥

剔目流芳

沉醉東風你且對青燈閱着簡編須厲志莫辭勞倦

坐待旦竟忘眠坐待旦竟忘眠乾乾龜勉如與那聖
賢對面合鳶飛戾天魚躍在淵察乎天地道理只在
眼前前腔看詩書不覺淚連這手澤非爹批點想熊
膽苦參丸想熊膽苦參丸娘親曾勉虧殺你再三相
勸合前江兒水刺繡拈針線工夫自勉旃謬配勾五
綵文章炫似補袞高才將雲霞剪皇猷黼黻絲綸展
方論裙釵下賤十指無能莫逞芙蓉嬌面前腔玉漏
催銀箭金猊冷篆煙奈睡磨障眼精神倦紅樓猶把
笙歌按倒金樽秉燭通宵宴掩倦情懷撩亂聽聲徹檀
槽想是曲罷酒闌人散玉交枝文章不看口支離一

訕亂言、為何頻顧、殘妝面、不思繼美、承前我見你秋波、
玉溜使我、一雙俊俏、含情眼、你不用心玩索聖賢、
却為妾又垂青盼、(前腔)且把書來收捲、我拚一命先、
歸九泉、我把鸞釵剔損、丹鳳眼、羞見不肖逆遭消消、
血流如湧、泉潛潛却把衣衫染、今始信望眼果穿、却、
教人感傷腸斷、(玉胞肚)冥途魂轉、尚兀自心頭火燃、
你還只想鳳友鸞交、焉得造鷺序鸞班、我向空門落、
髮伊家、休得再胡纏、紙帳梅花獨自眠、(川撥棹)明日、
別朝金殿、把胸中經濟展、論所學達者為先、論所學、
達者為先、若成名吾心始安、不成名誓不還、(尾聲)孤

幃再把重門掩，不堪離恨寄米絲。斷雨殘雲思黯然。
畫閣求婚

梁州序 名魁金榜，身登廊廟，怎戀閑花野草。章臺楊柳，爭如玉洞仙，祇他愛你偷香韓壽。擲果潘安，畫眉張京兆，紅絲牽繡帶，雀頭高，猶勝龍頭奪錦標。似玉肌如蒼貌，青春二八年，尤少休固執，莫推調。箭腔殘生，幾喪微軀，重造不厭瘡痍，枯槁酥滋腸胃，勃然兩起，枯苗勸讀，因他剔目，勉我懸頭刺股，勤昏曉扶持。登甲第，入皇朝，豈肯做薄倖區區兒女曹。似玉肌如花貌，青春二八年，尤少非固執，要推調。箭腔論先奸

律有明條，況不可娶而不告。這婚姻匪媾，把良緣辭
了。偏愛熟油苦菜，飲慣茆柴濁酒，經多少，不知如蜜
味，有香醪不飲，從他酒價高似玉肌，如花貌青春二
八年，尤少休固執。莫推調前腔惡姻緣，弦續鸞膠好
恩義理宜旌表。願明王寵賜，弄花官誥，試看簷花樁樹，喬
木絲蘿，雨露同榮耀。木杔投我也報瓊瑤，莫向銀河
駕鵲橋，似玉肌如花貌，青春二八年，猶少非固執要
推調。節節高才，高壓俊髦，好英豪氣凌太華，詞源倒
龍門峭。萬丈高只一跳，月中丹桂連根，柳夢中詩句
你那知道。去時荷葉小，於錢歸來，必定蓮花落。前腔

眞前腔言雖慰氣未伸柰關山役夢魂囊琴羞把朱
絃整怕聲聲彈出思歸引合前

賣僕傾囊

小桃紅只為黃金散盡翠館難淹鬻汝休含怨從容
向前你隨我無榮顯這彼竊威權將托身食人食事
必從驅遣免受鞭笞省我掛牽故園羞回轉生歎聽
天羊觸藩籬進退兩難下山虎速隨科試來到長安
指望你登高選我也喜歡誰知道春戀紅妝取次輜
裝罄然却把忠言當惡言不聽人之勸賣我微軀值
幾錢欲見爹媽面除是夢返故園望斷孤雲淚雨懸

蠻牌令離相府路迂遠辭舊主莫留連關山無日轉音
信情誰傳倘爹知道難容見面只苦殺老母愁煩想
晨昏望兒眼案你莫困窮途速整歸鞭尾聲臨行再
拜肝腸斷望乞代言千萬成當結草啣環

弄陷金蟬

桂枝香將欲婚偕伉儷即日筵開羅綺想藍田白玉
管埋雙足赤繩曾繫浼娘行作伐浼娘行作伐望母
推拒自當酬禮合喜孜孜欲結同心帶須却合盃盃
箭腔青年才子紅顏淑女有緣千里相逢此日正宜
匹配吾當贊襄吾當贊襄玉成其事成入之美谷前